



Comunu de Scalepanu

Províntzia de Casteddu

Ufitziu de su Sìndigu

Bia Sìndigu Giuanni Carta n. 18 - 08043 Tel 07095410400 – fax 070 9541036

Móbili 3204339103 - e-mail: sindaco@comune.escalaplano.ca.it

FESTA CUN IS DISTERRAUS – 13 AUSTU 2014

A totu is paesanus,

Tengu idea ca fintzas cust'annu eis a agradessi a s'atobiai sa dia nodia e dedicada a is disterraus nostus. Cumentì scieis, in sa pròpriu dia, medas còpias de scalebranesus arrennoant sa promissa fata cun sa coja, chi mancaì ant giai celebrau de calencuna dexena de annus. Po sa comunidadi nosta est tandu fintzas "sa festa de sa famìlia". Su 13 de austu orruit fintzas su de bintises anniversàriu de s'ordinatzioni a predi de su vicàriu nostu Don Luigi Murgia, e cuíndixi de custus annus ddus atpassaus in sa comunidadi nosta.

Su 13 de austu at a èssiri po nosu una dia de importu, s'ocasioni po affortiai su sentidu de comunidadi, chi podeus bantai de seguru, atobiendusì in un'ocasioni de festa po totu sa bidda.

Po custas arrexonis, mancaì sciendu ca a una dia de mari est malu a ndi faìiri de mancu, s'arrecumandu de abarrai in Scalepranu, assumancu a part'e merì, po pigai parti a is atividadis cuncordadas po sa dia.

A is 18,30 seus a atobiai in sa crésia de "Santu Srebestianu", innui at a èssiri celebrada sa missa manna in onori de is disterraus nostus; de totu is famìlias scalebranesas; de is còpias chi cust'annu afestant su de bintixincu o su de cincuant'annus impari de sa dia de sa coja o chi, cumentesiat, bolint arrennoai custa promissa.

Sa missa dd'at a nai su Mussennori nou de sa diocesi de s'Ollasta Mons. Antonello Mura. Po is disterraus nostus e po is chi no dd'ant pòtziu atobiai prima, at a èssiri s'ocasioni po connosci su chi benit avatu a Muss. Antioco Piseddu, chi po prus de trint'annus at ghiau sa Diocesi nosta e est abarrau acanta meda a sa comunidadi.

Apustis de sa missa eus a andai paris a s'aposentu de su Cunsillu in su Comunu innui eus a pigai parti a sa presentatzioni de su líburu "Galilenses" de Sandro Dessì, scrittori de Armúngia, chi arrelatat de su tema de sa guerra, de sa primu guerra mondiali, de su chi at prodúsiu e de su chi abarrat de custa in su "Gerrei" de oindì. Giai chi su rétulu "Galilenses" arremonat pròpriu a is biventis de sa "Galilla", su chi oi est nomenau Gerrei. Acabbada custa parti culturali, seus a pòdiri stentai ancora testendu calencunu de is prodotus prus bonus de bidda nosta. In is localis de su Comunu s'at a pòdiri biri sa mustra fotogràfica de Scalepranu, chi fintzas cust'annu s'est arricada cun màginis, e apitzus de custa arregorta sa Biblioteca Comunale e sa Consulta Giovani de Scalepranu est aprontendu unu líburu de fotografias.

A merici, in Pratzza Francescangelo Sedda, eus a biri su spetàculu culturali e musicali arretulau "**Festival internazionale itinerante - Sete Sòis Lese Luas**". Una merici de música étnica internatzionali **cun sa partecipatzioni de is "Tenores di Neoneli" e de musicistas stràngius e sardus**.

Seguru de àiri fatu cosa agradéssia e cun sa spera de s'atobiai in Scalepranu, Si mandu unu saludu de coru fintzas de parti de totu su Consillu Comunale.

Marcu Lampis – Sìndigu de Scalepranu